

Sakspapir

Saksbehandler	Arkiv	ArkivsakID
Inge Kårevik	FE - 223	16/52

Saksnr	Utvalg	Type	Dato
004/2016	Næringsfondsstyret	PS	05.04.2016
	Næringsfondsstyret	PS	

Søknad om lån og tilskot til kjøp av hjullastar

Forslag til vedtak:

Modalen sandtak AS får eit lån på kr 135 000,- tilsvarande 20 % av investeringa. Utbetaling av lån over 50.000,- skal sikrast med pant eller garantiar. Lånerenta er den til ein kvar tid gjeldande rente i Næringsfondet. Lånet skal attendebetalst med like store halvårlege avdrag i 5 år.

Andre vilkår:

Innvilga lån og tilskot kan krevjast attende dersom verksemda opphøyrer, vert seld eller flytta frå kommunen innan 5 år frå tilsegnsdato.

Likeins kan lån og tilskot krevjast attendebetalt heilt eller delvis dersom bygg og inventar/ utstyr m. v. som er finansiert med støtte frå Næringsfondet, vert seld eller nytta til eit anna føremål enn føresett innan 5 år frå tilsegnsdato. Stønadmottakar pliktar på førehand å gje melding til Styret for Næringsfondet om sal eller bruksendring i dette tidsrommet.

Saksopplysningar:

Bakgrunn

Søknad frå Modalen sandtak AS om tilskot og lån til kjøp av hjullastar.

Vurdering

Av søknaden går det fram at styret i Modalen sandtak AS ha vedteke å gå til innkjøp av ein brukt hjullastar. Den aktuelle maskina har ein kostnad på kr 675 000,- eks. mva. Kjøpet er tenkt delfinansiert med lån og tilskot frå næringsfondet.

Modalen Sandtak as er ei vel etablert verksemd i Modalen. Rådmannen ser det som positivt at det

vert investert i nye driftsmiddel og at det vert satsa vidare. Rådmannen meiner derfor at Modalen kommune bør vere behjelpeleg med finansiering.

I retningsliner for bruk og forvaltning av næringsfondet i Modalen kommune er det gjeve føringar på kva det kan gjeveat lån og tilskot til. I kap.2 Stønadsformer –stønadsvilkår. pkt 2 heiter det: « Ved fornying av driftsmiddel vert det berre gjeve lån». Slik rådmannen ser det er denne investeringa fornying av driftsmiddel. Rådmannen vil derfor rå til at det i denne saka berre vert gjeve tilsegn om lån, men ikkje tilskot.

Konklusjon

Med heimel i retningsliner for bruk og forvaltning av næringsfondet vert søknad frå Modalen sandtak om tilskot til hjullaster avslått. Det blir her vist til Kap 2. §2.1 Stønadsformer avsnitt 3 der heiter det «ved fornying av driftsmiddel vert det berre gjeve lån» .

Rådmannen ser positivt på investeringa og rår til at vert gjeve tilsegn om eit lån, stort kr 135 000,- tilsvarande 20 % av kostnadane.

Næringsfondsstyret - 004/2016

NF - behandling:

Habilitet

Linda Neset er gift med ein av partnarane i Modalen sanddrift. Ho vart erklært ugild i saka, Fvl § 6 . 1. ledd.

Stian Steinsland var innkalla som vara og tok derfor sete under handsaminga av saka.

Drøfting i møtet:

Næringsfondsstyret meiner at søknaden er for lite grunngjeven og opplyst med omsyn til planar for endring/utvikling av drifta, sysselsetting og økonomi (rekneskap og budsjett).

Saka vart derfor vedteken utsett.

Rådmannen vart beden om å innhente utfyllande opplysningar til søknaden før ny handsaming.

NF - vedtak:

Vedlegg:

Søknad om tilskot og lån til innkjøp av hjullastar